


Go Thusiwa go Araba Dipotso

O ikutlwa jang fa mongwe a go botsa ka bodumedi jwa gago? Go tlwaelegile gore motho a tshoge. Bala mafoko a ga Jeremia mo go Jeremia 1:6-8, mme o bone kafa Jehofa a mo kgothaditseng ka gone. Jehofa o ne a thusa Jeremia mme le wena o tla go thusa gore o kgone go bua le ba bangwe ka se o se dumelang! Gape o tla nna pelokgale fa o ka baakanyetsa. Lo le lelapa, lebang “Dipotso Tse Gantsi di Bodiwang ka ga Basupi ba ga Jehofa” mo jw.org/tn. (Lebang KA GA RONA > DIPOTSO TSE GANTSI DI BODIWANG.)

Tlhophang potso e go ka diregang gore lo e bodiwe. Balang karabo. Botsanang gore mongwe le mongwe wa lona o ne a ka araba jang potso eo ka mafoko a gagwe. Boeletsang dikarabo tsa lona ka go refosana go botsana potso le go e araba. Mo puduleng e e fa tlhogong ya ngwana, kwalang potso e go ka diregang gore lo e bodiwe. Mo puduleng e nngwe kwalang gore lo ne lo ka e araba jang.



- **JAANONG LEKANG SENO:** Ithuteng mo go oketsegileng ka ga moporofeti Jeremia. Itseele Karata ya Motho wa mo Baebeleng ya ga Jeremia mo jw.org/tn. (Lebang DITHUTO TSA BAEBELE > BANA > DIKARATA TSA BATHO BA MO BAEBELENG.) Lekang go araba dipotso tse di mo karateng mme lo bale karata go bona gore a dikarabo tsa lona di siame.